

# INUIT ATAQTIGIIT

## Inatsisartuni



11.10.2018

Inatsisartut Suleriaasianni § 37 imm. 1 naapertorlugu Naalakkersuisunut apequt imaattoq matumuuna saqqummiuppara.

### **Naalakkersuisunut apequt:**

- 1. UKA 2016-mi imm. 97 pillugu , Naalakkersuisunut suliakkiunneqartoq sumut killippa? Suliarineqareerluni naammassineqareerpa?**
  - a. Akissut naamiuppat naammassineqarsimanninneranut sumik peqquteqarpa?**
  - b. Qaqugu naammassineqarnissaa naatsersuutigineqarsinnaava?**

(Inatsisartuni ilaasortaq Peter Olsen, Inuit Ataqatigiit)

### **Tungavilersuut:**

UKA 2016-mi siunnersuutiga imm. 97 ima qulequtaqartoq inatsisartunit akuersissutigineqarnikuvoq:

“Siunissamut isigaluni pisariaqartitat aallaavigalugit ulluunerani paaqqinnittarfinni atorfinitsitsinernut, ilinniartitaanernut, pikkorissaaqqinnernut ilinniarsimasunillu sulisunik attatiinnarsinnaanermik qulakkeerinninnissaq siunertaralugu UKA 2017-imi periusissanut iliuuserisaassanullu pilersaarummik saqqummiussinissamik Naalakkersuisut peqquneqarnissaannik Inatsisartut aalajangiiffigisassaannik siunnersuut”

Tamanna pillugu periusissiap suliarineqarnera sumut killinnera pillugu apeqquteqaateqarnikuuvunga 09.10.17. apeqquteqaatigalu normulerneqarsimavoq 226. Apeqquteqaatinnut naalakkersuisut ima akissuteqaateqarput: “Naalakkersuisut naatsersuutigaat, periusissiaq immikoortoq siulleg 2017-ip naalernerani naammassineqarsinnaassasoq.”

Ulluunerani paaqqinnittarfinni sulisut sulinerminni atorfeqarnerminnilu pitsaanerusumik atugassaqalernissaannut periusissiasaq pineqartoq pingaaruteqartorujussuummat, pingaaruteqarluinnarpoq suliassap tamatuma naammassineqarnissaa atuutilersinneqarnissaalu aammalu paaserusunarsilerpoq suliassaq tamanna sumut killissimanersoq.

Minnerunngitsumik akissarsiat tungaatigut pitsanngoriaateqartoqarnissaa assorsuaq kissaatiginaraluaqaluni.

Kisianni ajorluartumik naluneqanngitsutut uagut inatsisartut isumaqatigiinniartartuunnginnatta; akissarsiat tungaatigut isumaqatigiinniarnerni akuliussinnaanngilagut, tamanna Naalakkersuisut isumaqatigiinniartartullu akissussaaffigimassuk.

Neriuppunga Naalakkersuisut isumaqatigiinniartartullu ajunngitsumik pitsaasumillu isumaqatigiissuteqarumaartut ulluunerani paaqqinnittarfinni sulisut sukut tamatigut pitsaasumik atugassaqalernissaat pillugu.

Kissaatigaaralu apeqqutima ullut qulit iluanni akineqassasoq.